

INFORMAZIUNS PUR CORVARA CALFOSCH:

Jeo - ringraziament: a düc i pelegrius che à tu pert al pelegriunaje in Jeo, oressun ti di n gran giulan dla bona orenté y dla testimonianza sinzîra de fede tulan ite ince te sües oraziuns trames les Comunitàs y dandadüt chi che patësc, é pûri y á crusc da porté. Dêr bel giulan.

Cianté popular: in sabeda, ai 18 de jügn dales 13.30 inant tla ütia Gardenacia. Incuntada por cianté adöm cianties ladines popolaras y nia ma, cun accompagnament musical y cun aiüt da pert de valgügn ciantarins. Al vegn metü a desposiziun tesc stampá dles cianties por che düc pois cianté para. Le Consei de Formaziun de Badia invieia a passé valgünes ores plajores en compagnia, te na bela cornisc musicala y amesa la natöra. Accompagnament strumental: Lois Kastlunger y Bruno Pizzinini .Informaziuns: cf.badia@rolmail.net .Le Consei de Formaziun ne se sorantol degüna responsabilité. Les boandes consumades te ütia vegn paiades dai partezipanc.

L'Uniu di Seniores da San Martin y da Antermèia invieia a na incuntada cun le neurologh Gregorio Rungger sura: Demënza – sintoms, diagnosa, terapias y prevenziun en jöbia ai 16 de jügn 2022 dales 17.00 tl salf di stödafüch a San Martin de Tor. Düc è dêr bel invia a tó pert.


Regolamënt por gní a cialé i ghesé dla CIASA DE PALSA, varënt dai 13.06.2022 inant: al é indô la poscibilité da gní a cialé i berbesc y les mëdes, **sënza prenotaziun**, mo respetan chësc regolamënt: Azes ala Ciasa de Palsa ma cun „pass vërt“ **renforzé:** a) stlüt jö le ziclus primar de variora + booster - b) stlüt jö le ziclus primar de variora + test negativ - c) varijun + test negativ. Chësc vëgn controlé vigni iade al'entrada da n automat che relascia n zetl cun inom, data y orar. Chësc vëgn damané do tla strotöra da pert dl personal. **Al intern dla strotöra** val debojëgn d'en mascherot, almanco chirurgich. Al é indô la poscibilité da jí te repart olache **al vëgn perié da sté, tan inant ch'ara vá, te ciamena** y adoré le manco poscibl i gran salamënc. **Al vëgn aconsié da jí le plü ch'ara vá alaleria!!** Prëibel tigní ite i orars de palsa di ghësc (11:30 – 14:00) Al vëgn recordé che la Ciasa de Palsa é na strotöra che á da n'en fá cun jënt sensibla. I periun porchël da se tigní avisa ales regoles. La Ciasa de Palsa, les mëdes y i berbesc se conforta sön Osta vijita!

In mercui ai 15 de jügn junse indô a pé. Chësc iade cina a Weissenstein cun le bus, spo a fa na roda ite por i bosc y munts de Aldein. Por informaziuns 339 625 777 9 (Iaco C.)

Conzert de belcanto y erpa: in vëndres, ai 17 de jügn dales 21.15 te dljia da Corvara cun Sabina Willeit y Martina Rifesser.

La scola se rüva : dêr de beles vacanzes

L tēmp passa debota y insciö sunse bele indô ruvâ ala fin dl'ann de scola. Do mëisc de impëgn, de fistidi y de bries, mo sigü ince cun de beles esperiënzes y compaignies, él mirité - por insegnanc y scolars - da jí tla palsa da d'isté. Siur ploan y i consëis de cüra oress tó l'ocajiu da ringrazié la scola - cun direziun, insegnanc y personal - por avëi colaboré tan bun y daidé impara tl invié ia y abelí festes y funziuns de dljia. Na colaboraziun de gran valüta y de gran importanza. Canche l'ann de scola se rüva, él ince la bona ocajiu da ciaré zeruch, sënza se desmentié da ringrazié por ci che é garaté. **Chësc orunse fa tla liturgia dla parola por la fin dl' ann, che gnarâ tignida in jöbia, ai 16 de jügn ales 8:00 te dljia da Corvara.** A düc n bel isté de vacanza, acompagné dala benedisciun de Chël Bel Dî.



Plata dla Ploania

Corvara
S. Tarina y Cör de Gejú
Calfosch
San Vighile y S. Michîl

Ploan: Siur Andreas Perathoner
Calonia Corvara: 0471/836134
Radio dla Ploania: 93,30 Mhz

UNITÉ PASTORALA



www.unitepastorala.org

Ann "C"

12.06 – 19.06.2022

Festa dla Ss.ma Trinité

n. 29



Dona il tuo tempo.

Il tempo è uno dei regali più belli e più preziosi.

Fermati! Trova tempo per parlare, tempo per ascoltare, tempo per ridere, tempo per stare semplicemente insieme agli altri.

Impressum: Ploania Corvara-Callfosch – Redaziun: Zingerle Cristina

Comunicaziuns: cina al mercui sêra a Zingerle Cristina info@pensionvittoria.com

Download: plata: www.valbadiaonline.it/comunita/ploa es/ploanics/ploania-corvara.html

S. Mësses pur Corvara

- 12.06.2022** **Dumënia – Domenica – Sonntag – Festa dla Ss.ma Trinité**
Jan 16,12-15 10,00 S.Mëssa pur la Comunità.
S.Mëssa pur def.to Enrico Bassot.
S.Mëssa pur def.ti Otto, Maria, Emilia, Andreina y Giovanni.
S.Mëssa pur def.to Giovanni Campeï.
S.Mëssa pur def.ti dla fam. Castlunger.
S.Mëssa ad intenziun dla fam. de Iaco Kostner.
S.Mëssa pur i morc dla vera.
S.Mëssa pur def.to Nina Castlunger.
- 13.06.2022** **Lünesc – Lunedì – Montag**
18,30 S.Mëssa dl'ann pur def.to Gustin Freinademetz y pur def.ti geniturs.
S.Mëssa dl'ann pur def.ta Maria Sorarù.
S.Mëssa pur def.ti Granruaz.
S.Mëssa pur def.ta Maria Promberger.
S.Mëssa pur def.ti Pitscheider.
- 16.06.2022** **Jöbia – Giovedì – Donnerstag**
08,00 Liturgia dla Parola pur la fin dl'ann de scola.
- 17.06.2022** **Vëindres – Venerdì – Freitag**
18,30 S.Mëssa dl'ann pur def.ta Maria Manfé.
S.Mëssa pur def.ti Vijo Agreiter y Luigia Bernard.
S.Mëssa dl'ann pur def.ta Maria Pitscheider.
S.Mëssa pur def.to Enrico Bassot.
- 19.06.2022** **Dumënia – Domenica – Sonntag – Festa dles Antlê**
Luca 9,18-24 **09,00 A Calfosch: Les Comunitês da Calfosch y Corvara zelebriä la Festa dles Antlê cun porciun cun 2 Vangeli.**
18,30 S.Mëssa pur la Comunità.
S.Mëssa dl'ann pur def.to Erich Kostner.
S.Mëssa dl'ann pur def.ta Judita Canins.
S.Mëssa pur def.ti Sandro y Clara Pescosta.
S.Mëssa ad intenziun dla fam. de Fortunato Agreiter y pur def.ti geniturs.



Festa dles Antlê cun porciun : in dumënia, ai 19 de jügn dales 09.00 gnarâl zelebriè a Calfosch la solena Festa dles Antlê cun s.mëssa ciantada dal cör y dedò sarâl la prozesciun cun 2 Vangeli. Dütes dües les Comunitês da Corvara y Calfosch è inviades a tò pert perian cun devoziun y fa insciö n sorvisc olache al è debujëgn. Dò la prozesciun gnarâl fat n Agape tla Ciasa dles uniuns olache düc canc è dër bel inviä. Ince da burt tēmp gnarâl fat l'agape sciöche sēgn de ester unîs. A Corvara ne sarâl la dumënia dles Antlê danmisdé degüna S.Mëssa. Porchël sarâl da sēra dales 18.30 la S.Mëssa. Danfora a düc n gran giulan y Dî s'l paies.

Prozesciun dl Sacher Cör de Gejù ai 26 de jügn 2022: chiriun ëles y jones cun la trocht o l diendl por portè statues in la prozesciun dl Sacher Cör de Gejù ai 26 de jügn 2022. Präibel cherdede sö la Sonia al nr. 349 - 1588485.

S. Mësses pur Calfosch

- 12.06.2022** **Dumënia – Domenica – Sonntag – Festa dla Ss.ma Trinité**
Jan 16,12-15 08,30 S.Mëssa pur la Comunità.
S.Mëssa in onur de S.Antone da Padua pur la fam. de Paolo y Alessandra Clara.
S.Mëssa pur def.ti Wilma y Frank Kastlunger.
11,00 BATO de **Tessa Thaler**.
- 14.06.2022** **Mertesc – Martedì – Dienstag**
17,00 S.Mëssa dl'ann pur def.ta Brigitte Alfreider – Troi.
- 15.06.2022** **Mercui – Mercoledì - Mittwoch**
17,00 II. S.Mëssa de supultüra pur def.to Gottfried Declara.
S.Mëssa dl'ann pur def.to Robert Oberbacher y pur def.ta Rosa Crepaz.
S.Mëssa pur def.ta Herta Dibiasi – Costa.
- 18.06.2022** **Sabeda – Sabato – Samstag**
17,00 Prüna S.Mëssa dla Festa dles Antlê:
S.Mëssa pur i def.ti desmentia.
S.Mëssa pur def.ti Karlheinz, Filize y Adelheid.
S.Mëssa pur def.ta Paola Mersa.
S.Mëssa pur def.ti Paolo, Caterina, Walter y Andreas Agreiter.
- 19.06.2022** **Dumënia – Domenica – Sonntag – Festa dles Antlê**
Luca 9, 18-24 **09,00 Les Comunitês da Calfosch y Corvara zelebriä la Festa dles Antlê cun porciun cun 2 Vangeli.**
S.Mëssa dl'ann pur def.ta Rosa Costner y pur def.to Sepl Oberbacher, Tiscêre.
S.Mëssa pur vîs y def.ti dla fam. de Albert Rudiferia.
S.Mëssa pur def.to Herbert Dalponte, Soce.
S.Mëssa pur def.ti Florian y Monika Alfreider.



Aodanzes: noster aodanzes va al picera **TESSA** de Matthias Thaler y Veronica Frontull che vëgn tuta sö in chësta Dumënia tla Comunità di batiä de nosta cüra. Che ëla crësces sana y prossa y che ëla ti fejes tröpa ligrëza a sü familiars.



Condolianzes: tolun pert al dolor di familiars dl defunt Gottfried Declara che è gnü cherdé dal Signur a tò pert te so rēgn ala bela été de 92 agn. Che ël palse tla pēsc dl Signur.



Festa dles Antlê cun porciun : in dumënia, ai 19 de jügn dales 09.00 gnarâl zelebriè chiöl a Calfosch la solena Festa dles Antlê cun S.Mëssa ciantada dal cör y dedò sarâl la prozesciun cun 2 Vangeli. Dütes dües les Comunitês da Corvara y Calfosch è inviades a tò pert perian cun devoziun y fa insciö n sorvisc olache al è debujëgn. Dò la prozesciun gnarâl fat n Agape tla Ciasa dles uniuns olache düc canc è dër bel inviä. Periun porchël bel da portè valch da mangé o da bëire por l'Agape (an po' le portè dan la S.Mëssa dales 8 inant). Ince da burt tēmp gnarâl fat l'agape sciöche sēgn de ester unîs. A Corvara ne sarâl la dumënia dles Antlê danmisdé degüna S.Mëssa. Porchël sarâl da sēra dales 18.30 la S.Mëssa. Danfora a düc n gran giulan y Dî s'l paies